

錦縣志略

張作霖題籤



卷首

凡例

姓氏

輿圖

城圖

第一卷

地理上

疆域

形勝

沿革

經緯

面積

畧刻

氣候

山水

城池

隄防

九月

民國九年

山金
田出

錦縣志略

民國九年四月錦縣王知事以新修縣志告成請序於予予綜觀是志前後所紀載尚能考證翔實不鶩浮夸頗得志例之要領夫志書關於政治者甚大無志則無以知山川疆域之要塞與夫歷代制置之沿革人民戶口之盛衰猶之盲者艱於視跛者艱於履而欲政治修明何可得哉錦縣志書久付闕如王知事蒞官伊始即首議創修可謂知所先務矣蓋修志之舉因易

錦

縣志

序

奉天關東印書館石印

而創難因者就其已成續輯之拾遺訂墜僅事補苴其成書較易至若網羅舊聞文獻無徵從事編纂期成信史則草創之難十倍於因今是書兩易寒暑而歲事其間搜羅富有考訂精確不失作志正軌而關於閭巷之習俗節候之寒煥紀載尤為詳盡其關係政治顧不重歟他日觀風者由是志而詳考之則知是邑風俗之茂美政教之循良其所由來者實基乎此而予望治之心亦庶少慰焉是為序



勳一位陸軍上將一等大綬寶光嘉禾章東三省巡閱使奉天督軍兼省長張作霖識



錦縣志

序

二

奉天關東印書館石印

錦縣志略

縣之有志猶國之有史也昔司馬遷創為紀表書傳之體以成史記龍門筆法焜耀古今裴駙稱其善敘事理辯而不華質而不俚誠篤論矣繼而班固作漢書因史記八書遂創八志范曄著後漢書而司馬彪復續為八志雖志之名稱不同而其原原本本紀載無遺一遵史記為法此志書所由昉也錦縣枕山襟海據形勝要衝文物修明風俗敦厚甲於遠左距省治約三百

錦

縣志

序

三

奉天關東印書館石印

餘里居民治生富饒擁魚鹽蜃蛤之利尤多家絃戶誦之風其治不亞於鄒魯乃自歐風東漸守土之吏往往疲於民事困於外交無暇徵文考獻著為令典雖亦時勢所使然而覘風者無由稽俗尚之盛衰制置之沿革每引以為憾况五洲耳目環萃於茲土者其能免舛陋無文之誚乎是志之作獨能綜天時地利民俗政治彙為全書考證詳碼不事浮華深得作志之體例雖未敢幾史記之謹嚴漢志之賅博而沿流溯

源舉本賅末固已網羅宏富記敏精詳洵可為
政事之準繩民岩之考鏡矣邑侯王君躬董其
事書成而問序於予予以此序歸之蓋深喜邑
侯為政能急所先務並喜中外人士來游是邦
者不迷嚮往得資考證而今而後庶或免弁陋
無文之誚也夫

二等大綬嘉禾章三等寶光嘉禾章奉天政務廳廳長魁陞識



夫一邑之中人民之衆事物之繁治亂興衰之推嬗制置沿革之變遷而欲由數十百年後上溯夫數十百年以前更欲在數十百年前垂示於數十百年以後大而典章文物小之風土人情靡不燦然具備如指掌如列眉者惟邑志是賴錦邑為遼西重地枕山襟海扼塞天然靈秀所鍾人才輩出而明清間戰爭之迹興亡之故尤令人低徊神往不置

錦縣志

志

序

奉天關東印書館石印

顧風微人往陳迹就湮攷獻徵文易於失實矧及今日輪軌交通外人梯航而至者實繁有徒物產商業益臻隆盛地方之情勢狀況將有日新月異而歲不同者則斯志之拾遺訂墜亦古今制度興廢之鑑政治得失之林歟雖然積市鄉以成郡縣積郡縣以成省會郡縣之志省志實資之奉省自盛京通志告成迄今殆數十百年時勢屢變久

待重脩乃郡邑中先錦有志者止數縣而尚付闕如者
猶多或甫闡草萊志其鄉土略焉不詳使一旦通志有重
脩之議將蒼萃前聞蒐羅掌故鮮所依據史氏惜焉吾
望今之守土者咸繼王容儕縣長以起而纂修俾異日蕪收
并蓄蔚為大觀上以備太史輜軒之採而此邦之煌煌歷
史遂得與全國志乘爭光則東土之文獻不致湮沒無聞

錦縣志

序

二

奉天關東印書館石印

豈惟錦之一邑一志已哉爰舉斯意序而歸之

二等大綬嘉禾章二等寶光嘉禾章三等文虎章奉天財政廳

廳長王永江識



方志之作其要惟所在凡以著地理沿革政治遷嬗與人物之盛衰為其犖犖大者然物產之盈虛動有關於民生國計尤纂輯者所不可或疏周官小史掌邦國之志職方掌天下之圖其時文物典章燦然明倫農商林岬之業無不可於圖志稽之班馬崛起首創八書踵以十志其所紀平準河渠食貨漕澗關涉於實業者獨詳而龍門特立貨殖一傳更為卓識崇閱深諳治本誠以百產滋殖然後民生遂而國本以強世之詢察政俗者蓋無不以是為亟亟也錦縣為遼西劇邑控醫巫閭而帶渤海土壤饒

沃物產豐盈建置以來久稱天府惟縣志之作向付闕如王大令蓉儕宰是邦始集邑之耆宿議纂修越二年告成丐序於余余觀其按討采掇體例秩然詳而明整而有法而於實業一端紀述尤為賅備因歎大令到錦勵精圖治百度聿新而復能搜輯方聞不遺纖細其目光之遠實有不可及者果能本是心擴而大之於以振興實業利國阜民則可以富錦邑者即可以富全省其推暨豈有紀極哉夫甄綜物產濬發利源固承乏實業者之所有事也余故於其書之成樂舉其涉於實業者一為商榷他日塵牘

清暇周行敦勸行將西望凌川買車過訪相與其語所得以證
平昔之設施知毋有不虛乎是書之作者余益將拭目以俟之矣



錦

縣

志

序

四

奉天關東印書館石印

序

志亦史也吾聞歐美歷史家之言曰中國無史又曰中國宜亟著通史揆其意亦以吾國史述多詳於朝家之興替而畧於封域之變遷及人文升降之原耳豈知夏書禹貢總攬九州之土均周官誦訓實掌方志以導愚推之龍門斷代之編夾漈通畧之作固已網維庶彙網羅天人何嘗不致意於民物哉第以時會有古今遂至判懸其輕重文

物譜錄之書乃今而為一般達詰所尊視有由然矣予自東髮受書即究心於輿史學於里人之著述如北江洪先生之遜清一統志方立董先生之水經注圖等書皆曾寢饋誦習以一邑為斷者則有如淵如孫先生之三水志申者李先生之鳳臺志方立董先生之長安志祁孫陸先生之郊城志北江洪先生淳化志涇縣志其雅贍可法久已如膾炙之於人口為一時摹輯縣志者之模範尤予所景

慕而勿忘者也中歲遨遊關東輪蹠經歷巫閭長白巨鎮之所盤回遼渾溟渤洪流之所涵演觀其山川形勢人物儀容皆岸然能自樹異未嘗不思蒐輯掌故有所記注顧以虱身政所繁牘旁午人事卒卒病未遑焉癸甲之交玄黃甫定民治初基國交爭點咸集注於此邦曰南北滿曰遼東西晤於座議於室齟齬於早夜錦之為錦亦一時如旭日炎火炳然為中外人所屬目大府集數十輩通知治

忽之士求所以區處而條理之者若勿及予以膚末後諸君子之後相與搶攘屏營蒐討故實以為依附摭拄之地而載籍缺疏採摭匪易今幾時矣追維疇曩猶覺泚然則信乎文獻無徵尼父所為悼歎也歟今王君文藻治錦未久哀然成此宏著可謂知所急務矣繙閱已竟爰書數語以誌欣慰若夫體例之精嚴文詞之矜慎具於集中且已有言者不復覲縷焉

民國十年四月二等大綬嘉禾章奉天教育廳長武



謹序



錦縣志略

古者書契圖籍邦國比要掌自司徒凡夫地域之廣輪夫家之衆寡郡邑之廢置政治風俗之變遷異同物產財賦之出納贏絀莫不博採旁搜登諸載籍豈直侈文典備掌故已哉亦俾為治者知所措施焉經一代之治亂廢興即有一代之因革損益隨其後九州之大紛蹟萬端求其紀載之詳且實者莫若一邑之志乘此民國肇興大部所以迭有徵集縣志之令也錦自

錦

縣志

序

五

奉天圖書館石印

明代以還號稱外劇文獻之盛垂數百年錦之有志既見諸盛京通志註斷非無稽蓋寔久散佚版籍蕩然矣民國六年邑宰王君蓉儕建議剏脩費苦無出謀經歲始得請於省憲經始之難非他邑比復獲諸耆宿名彥殫心探討盡瘁校讐又翌年而書成紀常適蒙遼瀋幸與諸君子觀其盛竊有不能已於言者夫錦之為關東首郡遠西阨塞自昔已然時至今日已當京奉輪軌之衝連山開港洮熱鐵路諸問題方且

急起直追一轉瞬間將變為滿蒙之樞紐遼海
之門戶其發展無限量其所維繫者亦遠且大
承乏斯土者當無日不以刷新百度振興民利
鞏固國權為己任則是志也特其權輿擴而廣
之必有月異而歲不同者豈直應 大部一日
之求已哉烹飪起於熟石玉輅基於椎輪吾於
是志亦云

二等大綬嘉禾章奉天遼瀋道道尹史紀常識



錦縣志略

夷考禹貢九篇辨方經野賦土分疆垂後世志
乘之嗚矣漢唐之際輿書紀載漸趨典重故蕭
何入關獨先收秦圖書吉甫登朝而序郡縣圖
志要以知山川阨塞戶口虛實而已有清志乘
體制益崇觀星躔營地理舉一方人文風物禮
樂制度綜織而經緯之上補史冊所不及下繫
里閭之謳思佐政輔治其功尚焉錦邑為幽州
重鎮控黃渤負巫閭松山杏山明清之所爭以

錦

縣

志

序

七

奉天關東印書館印

得失天下者也河嶽鍾靈人材蔚起謨猷言行
之散見於殘碑斷碣與流露於父老之齒頰而
深其景仰者何可勝數然邦之人涵泳昇平出
入偃息或淡忘而久湮將何以揚休風而資矜
式是則曩之有待於哀集者今奚可更俟乎後
賢哉 文藻 治錦之明年始以脩志得請於上並
賴羣彥協力露鈔雪纂克慶成書雖遺珠有憾
尚待旁求踵事增華期諸來哲然規模亦畧具
矣 文藻 獲觀終始且得手梓以備當世文獻之

徵而邦人志士展讀斯篇知我邑山原川澤之
綺麗起其敬恭高賢碩彥之宗風增其懷溯進
而登歷來建置沿革治理之陳迹奮發而引伸
之行見作始也微指歸也大則創脩之旨其庶
幾乎是為序

五等嘉禾章一等金色獎章四等金質獎章錦縣知事兼署協領王文藻識



錦縣志

卷首

凡例

姓氏

輿圖

城圖

第一卷

地理上

疆域 形勝 沿革 經緯 面積 畧刻 氣候 山水 城池 隄防

第二卷

錦縣志

目錄

奉天關東印書館排印

地理下

田畝 區劃 村鎮

第三卷

建置上

古蹟

第四卷

建置下

祠祀 衙署 倉廩 學校 市場 驛站

第五卷

職官